

曲

越調天淨沙 秋思

金風落日紅霞。青山岸柳黃花。目斷歸鴻影下。江天秋色。斜陽一抹天涯。

仙呂醉中天 觀連續劇「戀香」有感

遠岫輕烟籠。桔梗滿山中。芳草萋萋情正濃。無奈姻緣凍。隔世乘舟再逢。戀香殘夢。落花飛絮濛濛。

中呂迎仙客 梅 

香冷裏。入遙席。素臉籠霞姑射質。暗香笛。寒碧水。獨占清奇。奈芳容誰解憐幽媚。

南呂金字經 2008 選舉年

太平誰能見。綠藍風暴掀。轉眼喧囂戊子年。顛。墨雲無盡天。窮鄉縣。稅苛民待援。

古典詩

丙戌年冬驚見幽浮有感（七言律詩）

靜動幽冥帶白煙。陰陽晦昧御坤乾。
光連昴宿滑千里。影燦天狼綴九天。
欲駕雲君登玉殿。偕乘月女動飛仙。
靈兮杳杳何尋處？盡把愁心化翰篇。

登高（七言律詩）

萬里晴臨夾俊風。三春樹色繫嫣紅。
千堆絳萼薰青壑。百轉黃鸝繞碧穹。
北眺七星齊廣廈。南觀四獸倚天宮。
人閑那得逍遙樂。寄語雲衢上太沖。

春情(七言絕句)

蝶舞朱華巧笑姿。鶯啼翠柳鬧清池。
嫣薰暖色幽人醉。且盼句芒伴四時。

御茶園冷山茶王（古詩）

甘泉冷山度仙姿。繾綣龍形碧玉枝。
昔時茶王今又現。香蘊猶繞興來詩。

詞

長相思 閨怨

柳依依。情依依。簾捲春愁花色頹。冷風疏雨飛。
思別離。恨別離。繡枕鴛鴦相互偎。奈何君未歸。

憶江南 象山之遊

同遊去，暫且忘塵囂。春色萋萋鮮錦簇。水光瀲灩透華苞。精氣任扶搖。

憶江南 冬雨愁思

秋去也。細雨亂紛飛。山遠風圍隄岸柳。水遙雲繞外雙溪。宿鳥獨徘徊。